

ՌԱՆՁՊԱՐՆԵՐԻ ՍՈՑԻԱԼ-ԻՐԱՎԱԿԱՆ ՎԻՃԱԿԸ

(XVI դ.—XIX դ. առաջին կես)

ՍԱԾՎԵԼ ԱԼԵՔՍԱՆՅԱՆ

Արևելյան Հայաստանի XVI դ.—XIX դ. առաջին կեսի ագրարային կյանքը լուսաբանող գրականության մեջ ռանչպարությունը բնութագրված է որպես ընչազուրկ գյուղացիների աշխատանք ունեոր տնտեսություններում: Իսկ ռանչպարների սոցիալ-իրավական վիճակը, նրանց աշխատանքի էությունը ներկայացվում է ամենատարբեր բնորոշումներով՝ վարձու բանվորություն¹, առանձին կարգի ճորտություն², փաստական ճորտություն, ճորտությանը մոտ վիճակ կամ գյուղացու նկատմամբ ճորտատիրական իրավունքի յուրացում հողատիրոջ կողմից³, ճորտություն⁴ (առանց վերապահումների), համարյա ճորտություն կամ կիսաճորտություն՝ իրավաբանական անազատությամբ⁵, կիսաճորտություն-սոսկ կոռապարտություն⁶ և այլն:

Առաջին բնորոշումը հավաստում է, որ ռանչպարությունը վարձու մշակությունն էր («մշակ» բառի համապատասխան մեկ իմաստով⁸): Իրարամերժ մյուս մեկնաբանությունները չեն վիճարկվել ու գնահատվել: Բանավեճը սրբվել է արևելահայ գյուղացիության իրավական դրության հարցի շուրջ, իսկ ռանչպարություն բնորոշումները (բացառությամբ վերոհիշյալ առաջինի) կոչված են ամբողջացնելու այդ առթիվ մշակված սարքեր տեսակետները: Դա էլ շեշտում է մեզ հետաքրքրող խնդրի կարևորությունը լայն նկատառումներով: Իսկ անհրաժեշտ էին տվյալ խնդրի քննության պատմագրական կոնկրետ վերլուծություններ, քանի որ փաստերը գծագրում են ռանչպարների առանձնահատուկ վիճակ, և տնտեսագիտորեն եզակի պատասխան է պահանջում այն

¹ И. Шопен, Исторический памятник состояния Армянской области в эпоху присоединения ее к Российской империи, СПб, 1852, с. 989; В. Иваненко, Гражданское управление Закавказьем, Тифлис, 1901, с. 134—135; Լեո, Հայոց պատմություն, հ. II, գիրք I, Երևան, 1969, էջ 79, А. М. Есаян, Мулькарское право в Армении, Ереван, 1948, с. 45; Ս. Ս. Մարկոսյան, Ագրարային հարաբերությունները Արարատյան երկրում XVII—XVIII դդ. և XIX դ. առաջին քառորդում, Երևան, 1959, էջ 241—242, 245, А. Д. Папазян, Аграрные отношения в Восточной Армении в XVI—XVII веках, Ереван, 1972, с. 206—207.

² И. П. Петрушевский, Очерки по истории феодальных отношений в Азербайджане и Армении в XVI—начале XIX вв. Л., 1949, с. 248.

³ В. Рштуни, Крестьянская реформа в Армении в 1870 г., Ереван, 1947, с. 47—48, 57—58; Նույնի՝ Որվագներ Հայաստանի գյուղացիության պատմության, մաս Ա, Երևան, 1960, էջ 68—69, 76—77, 79—80:

⁴ Ц. П. Агаян, Крестьянская реформа в Азербайджане в 1870 г., Баку, 1956, с. 83—88, 101—104.

⁵ М. А. Адонц, Экономическое развитие Восточной Армении в XIX веке, Ереван, 1957, с. 56—59.

⁶ Խ. Զ. Ավդալբեկյան, Հողային հարցը Արևելյան Հայաստանում (1801—1917 թթ.), Երևան, 1959, էջ 46—48:

⁷ Մշակության մասին տե՛ս «Հայ ժողովրդի պատմություն», հ. I, Երևան, 1971, էջ 649—651, հ. III, Երևան, 1976, էջ 250, 253, հ. IV, Երևան, 1972, էջ 69:

⁸ «Մշակի» և «ռանչպարի» բազմիմաստ գործառույթների մասին տե՛ս ՀՍՍՀ ԳԱ «Լրագրեր հասարակական գիտությունների», 1980, № 7, էջ 62—69:

հարցը, թե ի դեմս նրանց ի՞նչ բնույթի աշխատանք էր օգտագործվում ունեոր տնտեսություններում: Վերջապես, առաջադրվել են դրույթներ, որոնք ոչ միայն անհարիր են ընչազուրկների վերաբերմամբ, այլև հանգեցնում են ամբողջ գյուղացիության իրավական դրույթյան թյուր պատկերացումների:

Անվիճելի է, որ ընչազուրկ ունեյալները, ի տարբերություն ուսուցիչների, չէին մտնում գյուղական համայնքի կազմի մեջ, աշխատում էին բացառապես իրենց տներին տնտեսություններում⁹ (նրանց արտադրամիջոցներով), ուստի չունեին համայնքի իրավունքներ ու պարտականություններ¹⁰: Արտադրողների որոշ մասն այդ վիճակին անցնում էր սոցիալական շահագործման ճնշման տակ (կամ աննյապատ այլ հանգամանքներում)¹¹ կորցնելով ինքնուրույն պարզ վերադարձության հնարավորությունները: Տեսադաշտում պահելով այս անառարկելի եզրակացությունները, նախ, անդրադառնանք ունեյալների հարկատվության հարցին: Հիշենք, որ Արևելյան Հայաստանում, տարաբան ունեյալներից բացի, կային (Նրեանի և Ղարաբաղի խանություններում) զուտ ունեյալական գյուղեր¹²: XIX դ. սկզբին Նրեանի խանությունում այդպիսիք վեցն էին՝ մուլքադարական (մասնատիրական, մզկիթապատական) և խանական¹³:

Վ. Ռշտունին նշել է, որ խանական ունեյալներն ազատ էին հարկից և այս դեպքում սկզբնաղբյուրների տվյալներն «իրարամերձ չեն»¹⁴: Մասնատիրական ունեյալները մերթ հիշատակվում են իբրև հարկատու, մերթ՝ ապահարկված և, ըստ Վ. Ռշտունու, հնարավոր չէ ստուգել տեղեկությունների ճշտությունը¹⁵: Ընդ որում, սրանց նա ներկայացրել է երկու խմբով. գյուղեր կառավարող բեգերի մոտ աշխատելու համար խանի կողմից «առանձնացված ունեյալներ» և «իրենց հողերից զրկված ու այդպիսով ունեյալ դարձած գյուղացիներ»¹⁶:

Մեր համոզմամբ սկզբնաղբյուրներում հակասականություն չկա. հանդիպում են «ունեյալ» շտաբով (ժամանակին հասկանալի) տարիմաստ գործադրումներ: Մասնատիրական ունեյալների շարքում կային և՛ խաների կողմից առանձնաշնորհված ընչազուրկներ (արքունի գյուղերում սեփական տնտեսություն չունեցողներ)¹⁷, և՛ բեգերի մոտ աշխատանքի կարգադրված համայնք-բանվորներ: Վերջիններս հիշատակվում են որպես պետական հարկից մասամբ կամ ամբողջովին «ազատվածներ», բայց դա պետք է հասկանալ այն իմաստով, որ բնեղեն կամ դրամավճար հարկաբաժինը փոխակերպվել էր աշխատավճարի՝ հօգուտ մասնատիրոջ¹⁸: Տարաբնույթ տվյալները ճիշտ չի ընթերցել նաև Ի. Գևորգյանը՝ «ունեյալ» անվան տակ դիտելով միայն համայնքի կազմի մեջ չմտնող ընչազուրկներին և բնավարձակալ-յարիքյարներին¹⁹: Այստեղից էլ նրա անորոշ ձևակերպումները՝ ունեյալները «երբեմն

⁹ И. П. Петрушевский, *н.д.*, т. 248, 249, 316, 317:

¹⁰ Ս. Ս. Մարկոսյան, *ն.д.*, т. 233:

¹¹ Նույն տեղում, էջ 233, 235, 237—239: Ռաւնչալների թվաքանակի մասին տվյալներ չկան: Ս. Ս. Մարկոսյանի հաշվումներով 1820-ական թվականների վերջերին Նրեանի խանությունում նրանցից զանձված հարկաբաժինը կազմում էր սարդարի տարեկան հացամթերային եկամտի 5%-ից ոչ ավելին (նույն տեղում, էջ 240—241):

¹² «Հայ ժողովրդի պատմություն», հ. V, Նրեան, 1974, էջ 19:

¹³ В. Рштуни, Крестьянская реформа в Армении в 1870 г., с. 57.

¹⁴ Նույն տեղում:

¹⁵ Նույն տեղում, էջ 56:

¹⁶ «Акты, собранные Кавказского археографического комиссией» (այսուհետև՝ АКАК), т. VII, Тифлис, 1878, с. 431 (документ 373).

¹⁷ ՀՍՀՄ ԳԱ «Երբեմն հասարակական գիտությունների», 1960, № 7, էջ 65—67:

¹⁸ И. П. Петрушевский, *н.д.*, т. 248, 309—310, 316: Բնավարձակալություն ավելի տարածված երևույթ էր՝ բնորոշ և՛ սակավազոր յարիքյար-կիսրարներին, և՛ կա-

(բայց ոչ միշտ)» կամ «դեռ XVIII դ. մեծ մասամբ ազատ էին արքունի հարկերից»¹⁹,

Ընչադուրկ-ռանչպարները սկզբնաղբյուրներում հանդես են գալիս որպես ոչ-հարկատուներ, ինչը չի համապատասխանում իրականությանը²⁰։ Ըստ Ս. Մարկոսյանի, եթե խանական ռանչպարական գյուղերի բերքի մի բաժինը իրանի եկամուտն էր (մյուսը՝ 1/3-ը, երբեմն 1/4-ը, ռանչպարի հասանելիքը²¹), ապա մուլքադարական ռանչպարական գյուղերի հավելյալ արդյունքի մի մասը մնում էր մուլքադարին, մյուսն անցնում էր պետությանը՝ մուլքատիրոջ տրն-տեսությունից գանձվող հարկի հետ²²։ Այլուրեք աշխատող ռանչպարները նույնպես ամսիչականորեն հարկատու չէին, բայց նրանց «հավելյալ արդյունքի մի մասն անցնում էր պետությանը՝ կալվածատիրոջ (առհասարակ՝ տնտեսատիրոջ—Ս. Ա.) միջոցով»²³։ Ուրեմն, առաջներում ճիշտ է նկատվել, որ կար «ռանչպարների վրա ընկած հարկ»²⁴, բայց շահագործման բովանդակությունը թյուրմեբնական է երևութականի արձանագրմամբ՝ որպես թե այդ հարկը «վճարում էին նրանց տերերը»²⁵։ Կարևորելով Ս. Մարկոսյանի բացատրությունը, նշենք միայն, որ տիրուհի տնտեսությունները հենված չէին լոկ ընչադուրկների աշխատանքի վրա, ինչպես կարծել է նա²⁶։

«Ռանչպար» տերմինի միանշանակ ընթերցումը հանգեցրել է գյուղացիության իրավական դրությունը վերաբերող անհիմն եզրակացությունների։ Ըստ Ի. Պետրուշևսկու, «ռանչպարների (իբրև առանձին կարգի ճորտ գյուղացիների) կադրերը համալրվում էին ոչ միայն «այլերկրացիներով» և ժառանգական ռանչպարներով, խանի հասարակ հրամանով ամեն մի ուսուցիչ կարող էր դառնալ ռանչպար և նվիրվել այս կամ այն ժառանգող մարդուն»²⁷։ Այսպիսով, ամփոփել է հեղինակը, գյուղացիների «պատկանելությունն իրենց տերերից անձնական կախման մեջ գտնվող... ռանչպարների խմբին բխում էր կա՛մ [նրանց] ժառանգական դրությունից, կա՛մ խանական հրամանից»²⁸։ խոսքը, անշուշտ, միայն ընչադուրկների մասին է, որոնց այդ արտասովոր, «առանձին կարգի» ճորտությունը Ի. Պետրուշևսկին մեկնաբանել է իբրև «անձնական (և ոչ թե հողակալության պայմանավորված) կախում»²⁹, ժառանգականությունը, որպես ռանչպարության իրավակազմի հատկանիշ կամ առաջացման աղբյուր, փաստարկված չէ, այդ բովանդակությամբ տվյալներ չկան, չնայած կարող ենք սասել, որ ծանր կենսապայմանները ռանչպարների ժառանգներին դատապարտելու էին նույն շարքաչ վիճակին։ Այս վերապահումով թերևս կարելի է մասամբ համաձայնել Ի. Պետրուշևսկու հետ³⁰։ Բայց հնարավոր չէ պատկերաց-

րիքի դեպքում, ինքնուրույն տնտեսատեր բահրաբյարներին, իսկ «ռանչպար» տերմինը գործառական էր յարիբյարների ու բահրաբյարների վերաբերմամբ լայն իմաստով (երկրագործ, քանվոր), ապա՝ գյուղացու աշխատանքային՝ «ռանչպարական», պարտույթի նշանակությամբ։

¹⁹ И. П. Петрушевский, նշվ. աշխ., էջ 318, 249։

²⁰ Ս. Ա. Մարկոսյան, նշվ. աշխ., էջ 237։

²¹ И. Шопен, նշվ. աշխ., էջ 989, В. Иваненко, նշվ. աշխ., էջ 135, «Հայ ժողովրդի պատմություն», հ. V, էջ 19։ Այգեգործ ռանչպարներից ռմանք վարձատրվում էին դրամով (А. Д. Папазян, նշվ. աշխ., էջ 207)։

²² Ս. Ա. Մարկոսյան, նշվ. աշխ., էջ 237—241։

²³ Նույն տեղում, էջ 237։

²⁴ В. Иваненко, նշվ. աշխ., էջ 135։

²⁵ Նույն տեղում։

²⁶ Ս. Ա. Մարկոսյան, նշվ. աշխ., էջ 243—246։ Մեր նկատառումներն այս առթիվ տե՛ս ՀՍՀՖ-ի «Լրաբեր հասարակական գիտությունների», 1980, № 7, էջ 68—70։

²⁷ И. П. Петрушевский, նշվ. աշխ., էջ 316։

²⁸ Նույն տեղում, էջ 315, 316։

²⁹ Նույն տեղում, էջ 248։

³⁰ «Այլերկրացիներով» նույնպես ռանչպարների շարքերի համալրման աղբյուր չէր, քանի դեռ նկատի չունենք կոնկրետ բնակատեղ՝ կարող ենք առհասարակ խոսել ընչադուրկների շարժման մասին։ «Այլերկրացիներով» նոր բնակավայրում ռանչպարների շարքերի ճամփառավը

նել, որ ռանչպարությունը սկզբնավորվում, «բխում էր խանական հրամանից», այլապես պիտի կարծել, թե ռալաթների իրավական դրուժյան հարցի շուրջ ծավալված բանավեճը լուրջ հիմքեր չուներ, բավական էր միայն արձանագրել, որ ամեն մի գյուղացի հրամանով կարող էր ունեզրկվել, համայնքից հանվել ու դառնալ առանձին կարգի ճորտ: Նման արտահռչակ եզրակացությունը կարելի է կանխել՝ «ռանչպար» անվան տակ տեսնելով վերոհիշյալ տարբեր կարգի գյուղացիներին՝ նրանց վերաբերող փաստերի տրամաբանված մեկնաբանությունը:

Խանի հրամանը պաշտոնական կարգադրություն էր, և ցանկացած դեպքում ամեն մի ռալաթի «առանձնաշնորհումն անձնական կախման»³¹ Ի. Պետրուշևսկին դիտել է իբրև ժամանակի իրավահարաբերությունների համակարգին բնորոշ կանոն՝ ուղադրության առնելով նաև կամայական շեղումներն այդ կանոնից: «Ռալաթներին և իլլաթներին անձնապես կախյալ մարդ ու բեգերին սպասավոր դարձնելը,— գրել է նա,— կարող էր լինել ոչ միայն խանակսն հրամանագրի, այլև բեգերի ուղղակի բռնությունների արդյունք»³², Այս առթիվ վկայակոչված փաստաթղթից բերենք քաղվածքներ՝ այնպես, ինչպես վերապատմել է Ի. Պետրուշևսկին. «Բիրանը կառավարող Քերիմ խան Զենդին (1750—1779) ուղղված խնդրագրով [1768]9 թ.], Նախիջևան երկրամասի հողագործներն ու բոչվորները (ռալաթներն ու իլլաթները)... բողոքել են, որ «մեր նշանավոր մարդիկ ռալաթներից և իլլաթներից ոմանց տարան և դարձրին իրենց ղուլամներ, շեն թողնում նրանց մնալ ռալաթներին և իլլաթների գրադմունքին (այսինքն՝ հողագործության և անասնապահության—Ի. Պ.)»: Բողոքելով բեգերի բռնությունների դեմ, գանգատավորները գրել են. «Երբեք չի եղել, որ ռալաթը ղուլամ դառնա» և խնդրել են «բարեհաճել տալ արդարամիտ հրաման, որպեսզի այսուհետև ռալաթներին և իլլաթներին ղուլամներ ու մուլաղիմներ չդարձնեն: Դուլամ թող լինի նա, ով եղել է՝ կա՛մ հորից մնացածը (նրա ժառանգը—Ս. Ա.), կա՛մ ոսկով գնվածը, կա՛մ այլերկացին»³³:

Հազիվ թե տվյալ բողոքի պատճառը գյուղացիներին առ այդ անձանոթ դեպք էր: Բիրտ կամայականություններն անհարիր չէին բռնապետական միջավայրին: Բայց վավերագիրը հուշում է մտաբերել ավելի կարևոր հանգամանք. բռնություններին դիմակայելիս աշխատավորները հենվել են սովորույթական իրավունքի վրա, որը կայունանում էր որոշակի արտադրահարաբերու-

կնշանակեր նրանց շարքերի նստացույցում նախկին բնակավայրում: Մինչդեռ, ամենուր կար սոցիալական երևույթի ջառուճակական առաջացման (համալրման) ներքին աղբյուր: Ի դեպ, Ի. Հասանովը տեղեկացնում է, որ Ադրբեջանական ՍՍՀ ԳԱ պատմության ինստիտուտի արխիվում պահվող Ի. Պետրուշևսկու մի ձեռագիր աշխատությունում քննված են ռանչպարության հետ կապված հարցերը՝ ընդհուպ մինչև «նրա լիվիդացումը 70-ական թվականներին» (И. М. Гасанов, Из истории феодальных отношений в Азербайджане. Ранджабы в XIX веке («Труды института истории и философии АН Азербайджанской ССР», т. IX, Баку, 1956, с. 28): Իր՝ Ի. Հասանովի համոզմամբ ռանչպարության լուծարքումը նախանշվեց 1846 թ. ղեկավարող (նույն տեղում, էջ 76), որի համաձայն ռանչպարներն անցնում էին պետական գյուղացիների շարքը, իսկ եթե տերերը չլին ցանկանում այդ՝ պետք է նրանց տալին բաժնեհողեր: Մենք ավելորդ կհամարենք այն հարցը, թե որչա՞փ կկանխվեր ռանչպարության առաջացումը հիշյալ «նախանշումից» մինչև նրա «լուծարքման» կարծեցյալ ավարտը (1870-ական թվականներ), եթե նույնիսկ այդ միջոցին եղած ռանչպարները բաժնեհող ստանալին: Կարելի է փոսել հողատերերի և գյուղացիության տարբեր խմբերի փոխհարաբերությունների ցարական «կարգավորման» անվերջանալի փորձերի մասին: Ռանչպարության՝ իբրև գյուղացիների որոշ մասի շարունակական ընչազրկման, «լուծարքում» կամ ինչ-որ չափի կասեցում վարչականորեն երբեք չէր կարող նախանշվել, ոչ էլ՝ ավարտվել XIX դ. 70-ական թվականների կառավարական «բարեփոխություններով»:

³¹ И. П. Петрушевский, նշվ. աշխ., էջ 318.

³² Նույն տեղում, էջ 320:

³³ Նույն տեղում:

թյունների հիմնաշենքի վրա: «Այն պրիմիտիվ ու անզարգացած պայմաններում, որոնց վրա խարսխված է արտագրություն այս հասարակական հարաբերությունն ու սրան համապատասխանող արտագրության եղանակը,— գրել է Կ. Մարքսը,— ավանդությունը պետք է գերակշռող դեր խաղա...»³⁴, խիստ զերակշռող ավանդականն այլ բան չէր, քան՝ «արտագրության յուրաքանչյուր եղանակի հասարակական կայունացման ու, հետևաբար, նրա հարաբերական աղատագրման ձևը հասարակ պատահականությունից ու քմահաճությունից...: Եթե տվյալ ձևը հարատևել է մի առժամանակ, ապա նա ամրապնդվում է իբրև սովորություն ու ավանդություն և, վերջապես, սրբագործվում է իբրև դրական օրենք»³⁵:

Վերոհիշյալ բողոքարկումների փաստարկը՝ գերակշռող ավանդականը, եթե այլաբերենք Ի. Պետրուշևսկու ձևակերպումներով, կհնչեր այսպես. սովորությամբ չէ, որ ռայաթները հրամանով ընչազդրվեն, դառնան առանձին կարգի ճորտ-սպասավոր: Խանի հրամանով, համայնքից «ռանչպար» պահանջելու բեղական իրավունքի հիման վրա (այդ իրավունքը, ինչպես նշված է Ի. Պետրուշևսկու վկայակոչած մեկ այլ փաստաթղթում, կարող էր կենսագործվել «վերադասի թուլությունից»)՝³⁶ ռայաթը կարգադրվում էր աշխատանքային պարտության և դուրս էր մնում համայնքի կազմից: Այլ կերպ չենք կարող բացատրել թե՛ վերադասի թուլությունը (ո՞րն էր, ուրեմն, ճորտատիրոջ իրավունքը), թե՛ այն փաստը, որ բեգերը դժկամությամբ ծառայող «ռանչպարներին» (ռայաթ-բանվորներին) հաճախ «փոխարինում էին նորերով»³⁷, որից հետո նախորդներն անցնում էին համայնքի իրենց պարտավորություններին³⁸: Չի կարելի այստեղ դիտել ինչ-որ «ճորտափոխանակություն» համայնքի հաշվին՝ գյուղացուն մի կացությունից մեկ այլ (ընչազդրվել) հրամանագրելով: Սակայն, վերոհիշյալ բողոքագրում խոսքը ռանչպարների մասին էլ չէ. արձանագրված է մի վիճակ, երբ մարդիկ կտրվել են երկրագործությունից, դարձել ղուլամներ, մուլագիմներ: Ըստ Ի. Պետրուշևսկու, «ղուլամը» («ստրուկ», «չինվորական ծառա») օգտագործվել է երկու իմաստով. 1) սպասավոր, անձնապես և ծառանգաբար կախյալ մարդ, 2) դրամագին-ստրուկ կամ գերի (այլերկրացի)՝³⁹: Մուլաիզմը նույնպես «չինվորական ծառա» էր, «թիկ-նազորային»⁴⁰: Բոլոր սրանց, ռանչպարների հետ միասին, Ի. Պետրուշևսկին ներկայացրել է «անձնապես կախյալ մարդիկ»⁴¹ բնորոշմամբ՝ համահարթելով տարբերությի փաստեր, երևույթներ:

Համաձայն շարիաթի,— գրել է Ի. Պետրուշևսկին,— գերեզմարված մուսուլմանը չէր կարող ստրկացվել...: Բայց, համենայն դեպս, շարիաթը ևս չէր խոչընդոտում խանությունից-խանություն զինվորների ներխուժման ժամանակ այնտեղից տանել գերիներ ու դարձնել իրենց ռանչպարներ: 1790 թ. Ղուբայի խան Ահմեդը Հաջի-Չելեբի էֆենդուն շնորհել է երկու շիրվանցու...: Շիրվանցիները Ղուբայի խանությունում կարող էին լինել կա՛մ փախստականներ, կա՛մ գերիներ»⁴²: Նշելով, որ Հաջի-Չելեբուն իրավունք էր տրված

³⁴ Կ. Մարքս, Կապիտալ, հ. 3, Երևան, 1949, էջ 331:

³⁵ Նույն տեղում, էջ 331—332:

³⁶ Ղուբայի պարեոի 1817 թ. մի կարգադրություն է, ուր բեգերին «ռանչպար» տալը հիշվում է համայնքի սովորական հարկային պարտավորությունների շարքում («Колоннальная политика Российского царизма в Азербайджане», ч. I, М.—Л., 1936, с. 458).

³⁷ Նույն տեղում, էջ 328:

³⁸ Այդ մասին տե՛ս նաև С. Авалиани, Крестьянский вопрос в Закавказье, т. III, Одесса, 1914, с. 151; Ц. П. Агамян, նշվ. աշխ., էջ 101—102:

³⁹ И. П. Петрушевский, նշվ. աշխ., էջ 320:

⁴⁰ Նույն տեղում: Ավելի ամբողջական են «ղուլամ» և «մուլագիմ» տերմինների՝ Հ. Դ. Փափազյանի բացատրությունները (տե՛ս «Մատենադարանի պարսկերեն հրովարտակներ», II, Երևան, 1959, էջ 222, 224—225):

⁴¹ И. П. Петрушевский, նշվ. աշխ., էջ 320:

⁴² Նույն տեղում, էջ 316 (ընդգծումները մերն են—Ս. Ա.):

երկու շիրմանցուն վերաբնակեցնել, հեղինակն ամփոփել է. «ի տարբերություն ռայաթ-համայնիկների, որոնց կարելի էր վերաբնակեցնել միայն ամբողջական համայնքներով, տերերն իրենց հայեցողությամբ կարող էին ռանչպարների վերաբնակեցնել գյուղից-գյուղ»⁴³։ Այս «փաստարկը» ձևականորեն էլ ավելորդ էր, որովհետև ըստ Ի. Պետրուշևսկու, ռայաթի և ռանչպարի ողջ տարբերությունը կարող էր ի չիք լինել խանի մի հրամանով։ Հարկավ, գերեզմարվածներից, ոսկով գնվածներից ու նրանց ժառանգներից ոմանք կարող էին դառնալ «գինվորական ծառա», ղուլամ, մուլագիմ (ինչպես հավաստում է նաև նախնականների հիշյալ բողոքագիրը), ոմանք՝ լծվել ռանչպարության։ Բայց ռազմագերու կամ դրամագին սպասավորի և տեղաբնիկ կամ դրսեկ ռանչպարի համար ընդհանուր լոկ միատեսակ աշխատանքը կարող էր լինել։ Առաջինների վերաբնակեցման, նվիրաբերման, վաճառքի իրավաբանական հիմքը գերությունն էր, դրամագին-անձնական պատկանելիությունը։ Ռանչպարներին վերաբնակեցնելն ու «նվիրաբերելն» ինքնօրինակ իրողություններ էին, որոնց ստույգ մեկնաբանությունը պահանջում էր ուշադրության առնել բոլոր սկզբնաղբյուր-տվյալները։ Ի. Պետրուշևսկին ռանչպարների ճորտությունն ապացուցելու նպատակով, շատ բան է շրջանցել, ինչը հարմար կլիներ արևելահայ գյուղացիությանը վերաբերող նրա նույնիսկ աստ տեսակետին, չնայած հիշյալ «փաստարկումներով» նա, կարծես, ռանչպարությունը պետք է նույնացներ ստրկության հետ։ Բայց ուշագրավ է, որ Ի. Պետրուշևսկու եզրակացություններում կոնկրետ նկատառում չկա ռանչպարների իրավաբանական անազատության մասին։ Այդուհանդերձ նա ամփոփել է. «ճանական հրամանագրերի համադրությունը XIX դ. արխիվային փաստաթղթերին ցույց է տալիս, որ ռանչպարներն ամրացվում էին ոչ թե հողին, այլ իրենց տիրոջ անձին»⁴⁴։

Նախական հրամանագրերը (որոնք քաղվածաբար վկայաբերել է Ի. Պետրուշևսկին) ռանչպարներին պարտավորեցնում էին հնազանդության և ազդարարում ռանչպարատիրոջ իրավունքի անձնոմխելությունը՝ երբեմն, իրոք, ընչազուրկ պետական գյուղացիներին տեղափոխելու թույլտվությամբ⁴⁵։ Այսքանով չենք կարող եզրակացնել, թե մարդիկ անպայման ու անվերադարձ շնորհվում էին անձնական կախման՝ իբրև ճորտ։ Չենք էլ կարող ասել, թե ովքեր էին կամովին ռանչպարության անցածները, նախկինում ո՞ր ճորտներն էին, ամենուրեք իրավական ի՞նչ սկզբունքով էին տեղափոխվում ու դառնում մեկ ուրիշ ճորտ՝ եթե նկատի ունենանք, որ, ըստ Ի. Պետրուշևսկու, Հայաստանում գյուղացիության ամրացումը հողին՝ ավարտվել էր XIII—XV դդ.⁴⁶ ու նրան «դժվար» է թվացել բացատրել XVI—XVIII դդ. և «նույնիսկ XIX դ. սկզբին դեռ շնորտացված, փոքր թվով ազատ գյուղական համայնքների»⁴⁷ առկայությունն այնտեղ։ Այս ելակետից կամ պիտի ենթադրեինք, թե ընչազուրկների շարքերը մշտապես համալրում էին սահմանափակ թվով համայնքներ կամ՝ ռանչպարները նույն տերերի ընչազրկված ճորտներն էին, ինչպես մեսայանիկներն⁴⁸ ու դարպասայինները Ռուսաստանում։ Բայց բավական է հիշել,

43 Նույն տեղում, էջ 317։

44 Նույն տեղում։

45 Նույն տեղում, էջ 319։

46 Նույն տեղում, էջ 88։

47 Նույն տեղում, էջ 232, 240։

48 Ի դեպ, ռանչպարների փաստական դրության առումով, Վ. Ռչտունին հնարավոր է գտել «Նրանց հավասարեցնել» Ռուսաստանի հյուսիսային նահանգների «փաստորեն ճորտ» կիսարարների (В. Рштуни, Крестьянская реформа в Армении в 1870 г. с. 57—58), ապա՝ ակնարկել է «թիշ տարբերություն» ռանչպարի և XIX դ. առաջին կեսի ճորտ-մեսայանիկի միջև (Վ. Հ. Ռչտունի, Ուրվագծեր Հայաստանի գյուղացիության պատմության, մաս Ա, էջ 68)։ Մեր կարծիքով, հարմար է ձեռնպահ մնալ նման զուգահեռներից՝ ընդհանրվող, որ այդ գյուղացիների փաստական վիճակը ձևավորվում էր տարբեր միջավայրերում՝ հողային, սոցիալական, նաև իրավական որոշակի հարաբերությունների, տնտեսական կենցաղի, նույնիսկ մարդկանց սոցիալական հոգեբանության տարբերություններով։

որ ուանչպար-մշակ աշխատեցնելը դասային արտոնություն չէր, նույնիսկ չէր պահանջում վավերացում, եթե այն կապ չուներ պաշտոնական առանձնաշնորհման հետ։ Անդրկովկասի «մուսուլմանական պրովինցիաների կարգավորման կոմիտեի» 1831 թ. մի զեկուցագրում կարդում ենք. «Տերերը չեն կարող ունենալ փաստաթղթեր ուանչպար-եկվորների վերաբերյալ, քանի որ նրանց լսակեցրել են պրովինցիայում (Նրևանի— Ս. Ա.) գործող ընդհանուր իրավունքով, և այստեղ հիմք պետք է ընդունել լոկ մարդու խոստովանությունը, որ ինքն այսինչի ուանչպարն է, և հարևանների ցուցմունքը։ Բայց խաների կողմից առանձնաշնորհված ուանչպարների մասին պետք է լինեն խանական թաղանթներ, իսկ ուայթներից կամովին ուանչպար դարձածների մասին՝ իրենց կնքած գործարքները։ Նրկորդ կարգի գյուղացիների առթիվ պետք է լինեն փաստաթղթեր միայն հողերի վերաբերյալ, որովհետև ամեն ոք կարող էր իր հողին քակեցնել ցանկացող եկվորին ու քոչվորին՝ առանց որևէ թույլատվության»⁴⁹։ XIX դ. այլ փաստաթղթերից (որոնց մի մասը հրապարակել է Ի. Պետրուշևիչը) և գրականությունից տեղեկանում ենք. ա) «Բեգերը սեփական ժամարկությունների համար օգտագործում էին դրան կամովին համաձայնած ուայթները, սարդարի ժամանակ նրանք չէին կարող հարկադրանքով որևէ մեկին ծառայության պահել... Վաճառքի իրավունք տրվում էր միայն ուանչպարների կամ նրանց տերերի կողմից պատրաստված անշարժ կալքի նկատմամբ, որի հետ ուրիշներին էր փոխանցվում նաև ուանչպարը»⁵⁰։ բ) Մասնավոր գործարքով ուանչպարության անցած տեղաբնիկների ու ներկենների և արքունի գյուղերում սեփական նստակեցություն (տնտեսություն— Ս. Ա.) չունեցող առանձնաշնորհված ուանչպարների «վիճակը նույնն» էր, և «այդ մարդիկ անձնապես ոչ ոքի չէին կարող նվիրաբերվել կամ վաճառվել»⁵¹։ գ) Հողերի տիրակալման փոփոխմամբ (նաև ժառանգական փոխանցմամբ) նոր տերերին էին անցնում նաև «ուանչպարների պարտականությունները»⁵²։ դ) Վ. Իվանենկոն նշել է, որ ուանչպարների նվիրաբերումը հազվադեպ չէր. խաներն ու բեգերը կանոն էին դարձրել նրանց իրենց մերձավորներին ծառայության տալը, բայց ուանչպարների վաճառքն ու գրավ դնելը չէր թույլատրվում⁵³։

Ս. Ադոնցը, վկայաբերելով վերջին երկու կետում ամփոփված տվյալները, նշելով Վ. Իվանենկոյի «իսկապատմությունը» (չլար ճորտային իրավունք, բայց առկա էր գյուղացու օտարման մի ձևը՝ նվիրաբերումը, բացառված էր մյուսը՝ վաճառքը), ուանչպարներին բնորոշ է համարել իրավաբանական անազատությունը⁵⁴։ Նրա կարծիքով, ճորտության և ուանչպարության («կիսաճորտության») տարբերություններից մեկն այն էր, որ «նրանք (ճորտերը—Ս. Ա.) ամրացված էին հողին, իսկ ուանչպարները՝ արտոնյալ դասի առանձին ներկայացուցիչներին»⁵⁵ և քանի որ կար հողի առուծախ՝ հողի հետ միասին կարող էին վաճառել նրա վրա ապրող ուանչպարներին»⁵⁶։ Մենք դժվարանում ենք պատկերացնել հողին չամրացված մարդու վաճառք՝ հողի հետ միասին։ Տվյալ դեպքում Ս. Ադոնցն ակնարկել է ճորտային իրավունքի ձևական բացակայությունը⁵⁷, իսկ հետագայում անվերապահորեն պնդել, որ Արևելյան Հայաստանում ճորտատիրություն գոյություն չունի։ Գյուղացին օրենքով ամրացված չէր հողին, նա անպատիժ (ուրեմն, նաև փաստորեն—Ս. Ա.) կարող էր տե-

⁴⁹ АКАК, т. VII, с. 432 (докум. 373).

⁵⁰ Նույն տեղում, էջ 430—431։

⁵¹ Նույն տեղում, էջ 430, 432։

⁵² «Колониальная политика российского царизма в Азербайджане», ч. II, М.—Л., 1936, с. 104.

⁵³ В. Иваненко, *նշվ. աշխ.*, էջ 134—135, հմտ. АКАК, т. VII, с. 431.

⁵⁴ М. А. Адонц, *նշվ. աշխ.*, էջ 56—59։

⁵⁵ Նույն տեղում, էջ 58։

⁵⁶ Նույն տեղում։

⁵⁷ Նույն տեղում։

ղափոխվել...»⁵⁸։ Ընդունելով այս վերջին իրավացի պնդումը (մի կողմ թողած ձևակերպումը տեղափոխման «սոցալատիզմի» մասին), մնում է ենթադրել, որ ռանչպարների իրավաբանական անազատությունը ինչ-որ բացառիկ մասնակի իրողություն էր։ Բայց նման ենթադրության համար հիմք չունենք, մինչդեռ գյուղացու իրավաբանական հիմնարկ էր։ Ըստ ամենայնի ճիշտ կլիներ ռանչպարներին վերաբերող դրույթները ևս վերանայել՝ ելակետ ընդունելով Մ. Ադոնցի դիտողությունը «ճորտատիրության» բացակայության⁵⁹ մասին։ Ըստ Ս. Մարկոսյանի, «նվիրաբերման», փոխանցման առարկան ոչ թե անձամբ ռանչպարն էր՝ իբրև հողին կամ հողատիրոջն ամրացվածի, այլ նրա աշխատանքային պարտավորությունը⁶⁰։ Ուրեմն «նվիրաբերումը» հավաստող, բայց գյուղացու օտարման մյուս ձևը՝ վաճառքը, բացասող սկզբնաղբյուրները հակասական չեն։ Վաճառված հողի հետ ռանչպարի փոխանցվելը մի բան է, հողի հետ միասին կամ հողից անջատ նրան վաճառելը (ինչը վկայող փաստեր չունենք)՝ այլ բան⁶¹։ Փոխանցման բոլոր գործարքներում իրավաբանական հարկադրանք չկար⁶²։ Ընչազուրկներն անտարբեր էին նման գործարքների նըկատմամբ, քանի որ նրանց համար միևնույն էր, թե ում մոտ են աշխատելու⁶³։

Ընդգծենք, որ տերերը կարող էին վաճառել ռանչպարների և իրենց կողմից (համատեղ) պատրաստված անշարժ կայքը՝ նորամշակ հողն ու այգին, տնամերձը, նույնիսկ բանվորի կացարանը։ Դա նշանակում է, որ տիրոջն էր պատկանում անշարժ ունեցվածքի այն բաժինը ևս, որի բարեկարգումն ու արդյունաբերումը հետևանք էր ռանչպարի առարկայացած աշխատանքի։ Իրավաբանորեն բացատրված չէր, որ ռանչպարը կարող էր հեռանալ ձեռնունայն⁶⁴, լավագույն դեպքում՝ որոշ շարժական ինչքով։ Այս պարագան մի կողմից, ամենուր սպասվող հավասար պայմաններն ու իշխողների կամայականությունները՝ մյուս կողմից, փաստորեն, ռանչպարին զամուսն էին նստավայրին։ Նրա ինքնակամ տեղափոխման և տնտեսատեր համայնիկ դառնալու իրավական հնարավորությունը, իբրև կանոն, մնում էր անկենսագործելի։ Այս առումով ռանչպարների վերաբերմամբ ևս կարող ենք ասել, որ գյուղացու «կյանքը իրավաբանական... շրջանակների կողքով էր անցնում»⁶⁵։

Սակայն մեզ հետաքրքրող սոցիալական երևույթը բնորոշելիս անհրաժեշտ էր նկատի ունենալ, նախ, ռանչպարի աշխատանքի բնույթը, ապա՝ այն

58 Մ. Հ. Ադոնց, Հայաստանի ժողովրդական տնտեսությունը և հայ տնտեսագիտական միտքը XX դարի սկզբին, Երևան, 1968, էջ 50։

59 Անշուշտ, Մ. Ադոնցն այստեղ լի ակնարկել ճորտատիրության բացակայություն՝ լայն առումով, քանի որ «ճորտատիրություն» արտահայտությունը կիրառելի է նաև ընդհանրապես ամինչկապիտալիստական ճորտատիրական հասարակական կարգին՝ համար (Վ. Ի. Լենին, Եժ, Կ. 6, էջ 294)։

60 Ս. Ս. Մարկոսյան, նշվ. աշխ., էջ 236։

61 Այս առթիվ հարկ է հիշել մի կարևոր եղրակացություն, որը մեր համոզմամբ վերաբերելի է նաև ռանչպարներին. XVI—XVIII դդ. «մուլերի առուծախին և նվիրատվությանը վերաբերող արձանագրություններում և կալվածագրերում հիշատակվում են սեփականության ենթակա ամեն ինչ, բացի հողագործ ուսյաթներից» (Հ. Դ. Փափազյան, Ռայաթների իրավական աղատության հարցը Արևելյան Հայաստանում 16—18-րդ դդ. և ջահ Սուլթան Հուսեյնի հրովարտվող (էջեր հայ ժողովրդի պատմության և բանասիրության, Երևան, 1971, էջ 128)։

62 Ս. Ս. Մարկոսյան, նշվ. աշխ., էջ 236։

63 Նույն տեղում։

64 Այդ մասին տե՛ս նաև՝ «Օրինադրություն արտասահմանից գաղթածների վերաբերյալ» (հոդված 5), որը կազմվել էր 1819 թ. Կովկասի կառավարչապետ Ա. Պ. Երմոլովի՝ «տեղական հանգամանքներին համապատասխանեցված» նախագծով (ԱԿԱԿ, տ. VI, Կ. I, Тифлис, 1877, с. 6 (доп. 7))։

65 Վ. Ի. Լենին, Եժ, Կ. 3, էջ 109։

կարևոր հանգամանքը, որ ռանչպարությունն ինֆեոդալային հնդգադոմում չէր: Հավելյալ արժեքին համընկնող ռենտայի նախնական ձևի՝ կոռի, դեպքում «արտագրողի հենց իրեն համար կատարած աշխատանքը դեռ տարածապես ու ժամանակապես անջատված է հողատիրոջ համար կատարած աշխատանքից»⁶⁶: Այս պարագայում, նայած ռենտայի բարձրությանը, բանվորը, այդ թվում և՛ «ինքն իրեն պահող ճորտը», կարող էր նույնիսկ «ափնցուկ ձեռք բերել իր անհրաժեշտ գոյամիջոցներից վեր»⁶⁷: Սա մեկն էր արտադրողների ֆեոդալական կախման ձևերից, երբ «անմիջական բանվորն իր սեփական գոյամիջոցներն արտադրելու համար անհրաժեշտ արտադրության միջոցների «տերն» է մնում... ինքնուրույնորեն է վարում թե՛ երկրագործությունը, թե՛ որա հետ զուգորդված գյուղական-տնային արդյունաբերությունը»⁶⁸: Ներկա դեպքում այդպիսի անջատման մասին խոսելը կլինի իրարացական, քանի որ ռանչպարն իրեն արամագրված արտադրամիջոցների «տերն» չէր մնում, երկրագործությունն ինքնուրույն չէր վարում: Նրա «անշարժ ձեռքբերումները» սկզբից ևեթ անժամկետ գույքային կանխավճար էին, աշխատանքի անհրաժեշտ պայման: Դա էր հիմքը, մի կողմից, ձեռնունայն կամ որոշ շարժական ինչոքով հեռանալու նրա իրավունքի ու շտարրոգրված պարտավորությունների, մյուս կողմից՝ «անշարժ ձեռքբերումներն» օտարելու հողատիրոջ իրավունքի: Այս դրույթները տարբեր էր ճորտությունից, կիսաճորտությունից ու կոռպարատությունից՝ ըստ էության: Ուրեմն, թե՛ տեսական, թե՛ փաստական առումով ճիշտ ենք համարում այն պնդումը, որ ռանչպարությունը վարձու աշխատանք էր: Ընդ որում, արտադրողի ցածր վարձաչափը, նրա աշխատանքի հարկադրական բնույթը ինքնին չեն կարող փաստարկ ճանաչվել նրա սոցիալական դեմքը գիտականորեն որոշելու համար, չնայած և՛ հարմար են այլևայլ պատկերավոր համեմատություններին: Բացառված չէ, որ ֆեոդալիզմի դարաշրջանում հողից չկտրված անձնապես ազատ վաճառքի աշխատանքը «հաճախ այս կամ այն չափով հարկադրական լիներ»⁶⁹, իսկ վարձը քիչ տարբերվեր նույնիսկ հողատիրոջ անազատ սպասավորների վաստակից⁷⁰: Բայց դա հիմք չի տվել տարբեր երևույթների, սոցիալ-իրավական տարբեր կացությունների նույնացման:

Ռանչպարների շահագործման բնույթը ֆեոդալական էր. նրանց հավելյալ արդյունքը արտատնտեսական հարկադրանքով, անմիջականորեն, յուրացվում էր որպես ֆեոդալական հարկ-ռենտա: Մեր առջև տիրույթի անձնական տնտեսությունն է, որտեղ հողատիրոսն անմիջապես ռանչպարը վարում է իր հաշվին, արտադրության բոլոր միջոցների տերն է և շահագործում է բատրակների աշխատանքը, որոնք կարող են լինել անազատ թե՛ ազատ, բնամատակարարմամբ կամ փողով վարձատրվող»⁷¹ և որքանով որ այստեղ չէր արտադրության բուն իսկ կապիտալիստական եղանակ գոյություն ունի, ոչ էլ սրան համապատասխանող պատկերացում... հավելյալ արժեքը հանդես է գալիս իրեն ռենտա»⁷²: Այլ հարց է, որ մեղ հետաքրքրող պայմաններում ռենտան ընդունել էր հարկի ձև, իսկ հողատերը տնտեսությունը վարում էր հարկատվության սկզբունքով (եթե հատուկ արտոնագրով ապահարկված չէր): Ինչպես տեսանք, բնամատակարարմամբ ու մասամբ էլ փողով վարձատրվող անձնապես ազատ ռանչպարների հավելյալ արդյունքի մի մասն անցնում էր պետությանը՝ տնտեսատիրոջ միջոցով: Այսպիսով, ռանչպարը փաստորեն և իրավաբանորեն կոռպարատ

66 Կ. Մարքս, Կապիտալ, հ. 3, էջ 330:

67 Նույն տեղում, էջ 328:

68 Նույն տեղում:

69 Е. А. Косминский, Проблемы английского феодализма и историографии средних веков, М., 1963, с. 134.

70 Նույն տեղում:

71 Կ. Մարքս, Կապիտալ, հ. 3, էջ 342:

72 Նույն տեղում, էջ 343:

ճորտ, «համարյա» ճորտ կամ կիսաճորտ չէր, ոչ էլ՝ հողից «ազատված» արտադրող։ Նա ինքնուրույն պարզ վերարտադրության հնարավորությունից զուրկ երկրագործ բանվոր էր, ուսնչպա՜ր՝ իրեն առանձնահատուկ վիճակով։ Ռանչարությունը պայմանական-անժամկետ վարձու աշխատանք էր՝ արտադրողների ֆեոդալական շահագործման յուրօրինակ մի ձև Արևելյան Հայաստանում։ Ս. Մարկոսյանի կարծիքով, ուսնչպարներին «փաստորեն կալվածատիրական հողին ամրագնելու» պայմաններ ստեղծվեցին XIX դ. երկրորդ տասնամյակների վերջերից⁷³։ Այսուհանդերձ, որևէ ակնարկ չանելով ուսնչպարների ճորտացման մասին՝ նա նկատի է ունեցել նրանց ինքնակամ տեղափոխման «տնտեսական սահմանափակումը»⁷⁴ (անշարժ ունեցվածքը թողնելու, բնակեցման հետ կապված ծախսերը տիրոջը հատուցելու պայմանը), որը մեր համոզմամբ նոր չէր, այլ բնորոշ էր նաև նախորդ (խանական տիրապետության) ժամանակաշրջանին։

СОЦИАЛЬНО-ПРАВОВОЕ ПОЛОЖЕНИЕ РАНЧПАРОВ (XVI—первая половина XIX вв.)

САМВЕЛ АЛЕКСАНИЯН

Резюме

В исторической литературе имеются различные определения социально-правового положения особой категории крестьян Восточной Армении—ранчпаров. Всесторонний анализ данных первоисточников показывает необоснованность утверждений об их крепостном, полукрепостном, «фактически крепостном» или «почти крепостном» состоянии. Ряд исследователей правильно характеризует ранчпарство как наемный труд. Ранчпары—лишенные средств производства и самостоятельного землепользования сельскохозяйственные рабочие по бессрочному найму—находились в своеобразном социально-правовом положении. Феодальная суть их эксплуатации, как отмечал С. Маркосян, проявлялась в непосредственном присвоении хозяином доли их прибавочного продукта, другая же часть этого продукта, вместе с налогом, взыскиваемым с господского хозяйства, поступала в казну. Мнение об освобождении или частичном освобождении ранчпаров от налогов—результат поверхностного прочтения первоисточников и однозначного толкования термина «ранчпар». Нелогичны также соображения о будто имевшей место «ликвидации» ранчпарства в 1870-х годах.

73 Ս. Ս. Մարկոսյան, նշվ. աշխ., էջ 221։

74 Նույն տեղում, էջ 220։